

ներուն չը մօտեցած՝ մեզ ուղղակի բանտն են առաջնորդելու .  
ո՞ր տեղէն պէտք է դրամ ճարենք տանք որ ազատուինք :

Միայն Օսմանլին չէ, դեռ այնտեղ կը մնան Հայ-Մուրա-  
խասի (Սուաջնորդի) իշխանները, եթէ անոնց մէջէն մեր ճանչ-  
ցած մէկ քանիւն ալ բան մը չը տանենք, միանալով միւսնե-  
րու հետ ոտքի կը հանեն հայ զիւղացիները, մեր վրայի բողոք-  
ները կը սաստկացնեն . իսկ եթէ անոնց կոկորդը լեցնենք,  
անոնք են որ այդ դատերը փճացնել պիտի տան :

Մենք չենք կարող մանկ չուկան . վաճառականը, խա-  
նութպանը, դերձակը և այն և այն դրամ պիտի պահանջեն,  
եթէ ոչ մեզ ապրանք չեն տար . բերէք ամեն մէկդ հարիւր  
լիրա տուէք որ Աշիրաթի պէտքերը հոգանք :

«Ապա ի՞նչ ընենք, մենք Հայ չենք որ արուեստ ու վա-  
ճառականութիւն ունենանք, խելք բանեցնենք որ կարենանք  
ապրիլ . Օսմանլի չենք, որ նստենք օսաները՝ ոսկին մեր ոտքը  
գայ . մենք Քիւրդ ենք, ոչ խելք ունինք, ոչ գիր և գրակա-  
նութիւն (նոյիսէմա չունինա) . մեր տեղը սարերն է, մեր գոր-  
ծը տաւար ոչխարի հետ է : Աշիրաթի մէջ կեանքէ (կին), կիզիկ  
(աղջիկ) չէ մնացեր որ կնութեան առնենք, իմ որդին, իմ եղ-  
բօրորդին նորահաս քանէջներ են, անոնց համար սիրուն և գե-  
ղեցիկ կին պէտք է՝ ան ալ չկայ . բոլորս կորեկ, պաճեկ ու տե-  
լով կոտորուեցանք . Աշիրաթի մէջ այնպիսիներ կան՝ որ տա-  
րիներով ցորեն հացի երես տեսած չունին . մենք երկրագոր-  
ծութիւն ընել չենք կրնար որ ցորեն ունենանք, հապա ի՞նչպէս  
հոգանք մեր պակասութիւնները . յետոյ իր հարցին ինքը պա-  
տասխանելով կը շեշտէ, աւազակութեամբ . մեր ամբողջ գիտ-  
ցածը այս է : Ամեն մէկը իւր կողմէն կը խոստովանի «ես ծա-  
ռայ (աղ խորամ), մենք ոչ մի գործ ընել չենք գիտեր, և  
ուրիշ միջոց ալ չունինք, այդ է» . կը տիրէ խորհրդաւոր  
լուսթիւն . . .

Այս տեղ մենք կուտանք հետեւանքի մօտաւոր պատկերը :

— Որ այդ է, դէ գնացէք ամեն մէկդ, հանէք ձեր մար-  
դերը, առէք ձեր զէնքերը, հեծէք ձեր ձիերը, մինչև այս ինչ